

Na osnovu člana 59. stav (1) tačka d) Zakona o visokom obrazovanju ("Službene novine Tuzlanskog kantona" broj: 8/08, 11/09 i 12/09), člana 75. stav (1) tačka 2) Statuta Univerziteta u Tuzli, a u vezi sa članom 29. Zakona o radu ("Službene novine FBiH" broj: 43/99, 32/00 i 29/03), članom 265. stav (2) i (3) Statuta Univerziteta u Tuzli i članovima 53. i 75. Pravilnika o radu Univerziteta, Senat Univerziteta u Tuzli na sjednici održanoj 21.09.2011. godine, donio je

## **Pravilnik o regulisanju angažovanja nastavnika i saradnika Univerziteta u Tuzli na drugoj visokoškolskoj ustanovi**

### **Član 1.**

Ovim Pravilnikom uređuju se uslovi i postupak davanja saglasnosti za izvođenje nastave akademskog osoblja Univerziteta u Tuzli (u daljem tekstu: Univerzitet) na drugim visokoškolskim ustanovama.

Drugom visokoškolskom ustanovom, u smislu ovog Pravilnika, smatra se svaka javna visokoškolska ustanova u zemlji i inostranstvu.

### **Član 2.**

Radi zabrane takmičenja zaposlenika sa Univerzitetom zaposlenik može izvoditi nastavu izvan Univerziteta samo uz prethodno odobrenje Senata Univerziteta, u skladu sa ovim Pravilnikom.

Takmičenje zaposlenika sa Univerzitetom nastaje ako se zaposlenik angažuje kao odgovorni nastavnik za izvođenje nastave na drugoj visokoškolskoj ustanovi bez odobrenja Senata.

### **Član 3.**

Saglasnost za izvođenje nastave na drugoj javnoj visokoškolskoj ustanovi mogu dobiti slijedeći zaposlenici:

- nastavnici čije ukupno sedmično opterećenje u nastavi na I ciklusu studija na Univerzitetu u Tuzli ne prelazi 15 sati nastave u tekućoj akademskoj godini,
- nastavnici izabrani na funkciju Rektora, prorektora i dekana čije ukupno sedmično opterećenje u nastavi na I ciklusu studija na Univerzitetu u Tuzli ne prelazi 9 sati nastave u tekućoj akademskoj godini,
- nastavnici izabrani na funkciju prodekana čije ukupno sedmično opterećenje u nastavi na I ciklusu studija na Univerzitetu u Tuzli ne prelazi 12 sati nastave u tekućoj akademskoj godini.

### **Član 4.**

Zaposlenici iz člana 3. alineje 1) ovog Pravilnika, mogu se angažovati u izvođenju nastave na drugoj visokoškolskoj ustanovi maksimalno 6 sati sedmično u toku akademske godine.

Zaposlenici iz člana 3. alineje 2) i 3) ovog Pravilnika, mogu se angažovati u izvođenju nastave na drugoj visokoškolskoj ustanovi maksimalno 3 sata sedmično u toku akademske godine.

O izvođenju nastave na drugoj visokoškolskoj ustanovi vodi se posebna evidencija na fakultetu/Akademiji Univerziteta u Tuzli.

#### **Član 5.**

Zahtjev za davanje saglasnosti za izvođenje nastave na drugoj visokoškolskoj ustanovi zaposlenik podnosi Senatu Univerziteta prije početka nastave u semestru, uz koji prilaže prethodno pribavljeno mišljenje Naučno-nastavnog/Umjetničko-nastavnog vijeća fakulteta/Akademije kao i zahtjev javne visokoškolske ustanove koja je iskazala potrebu za njegovim angažovanjem u izvođenju nastave.

#### **Član 6.**

Zaposlenik koji nije pribavio saglasnost iz člana 5. ovog Pravilnika, ne može, u svoje ime i za svoj račun, kao ni za račun druge javne visokoškolske ustanove, učestvovati u izvođenju nastave na istoj.

#### **Član 7.**

Ako zaposlenik postupi suprotno članu 6. ovog Pravilnika čini, svojom krivicom, u smislu Zakona o radu, Statuta i Pravilnika o radu, težu povredu radne obaveze.

#### **Član 8.**

Univerzitet vodi jedinstvenu evidenciju o radu nastavnika i saradnika u skladu s ovim Pravilnikom.

#### **Član 9.**

Ovaj Pravilnik stupa na snagu danom donošenja.

#### **Član 10.**

Stupanjem na snagu ovog Pravilnika prestaje da važi Pravilnik o regulisanju angažovanja nastavnika i saradnika Univerziteta u Tuzli na drugoj visokoškolskoj ustanovi broj: 03-7241-2.3/10 od 16.09.2010. godine.

UNIVERZITET U TUZLI  
S E N A T  
Broj: 03-7650-6/11  
Tuzla, 21.09.2011. godine

**PREDSJEDNIK SENATA**

Prof.dr.sc. Enver Halilović